

**Francisci Monacelli Eugubini J. U. D. Protonotarii  
Apostolici, olim Ecclesiæ Venusinæ, ac deinde Æsinatis  
Vicarii Generalis, &c. Formularium Legale Practicum Fori  
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem excentibus: necnon Confessariis, Parochis, Cancellariis, cæterisque in dicto Foro versantibus,  
apprimè utile ...

**Monacellus, Franciscus**

**Venetii, 1706**

Erectionis Beneficii cum reservatione Jurispatronatus Formula I.

---

[urn:nbn:de:hbz:466:1-62406](https://nbn-resolving.de/urn:nbn:de:hbz:466:1-62406)

## ADNOTATIONES.

1. PROVIDERE. Curia Episcopalis quando non habet proprium Curforem, sive Bajulum, uti poterit Curforibus Curiæ Laicæ ablique alia licentia Judicis Laici, sive Gubernatoris, aut Civitatis; & si renunt citationes, & mandata exequi, eos etiam censuris compellere, ut respondit *Sac. Congreg. Immunit. in Narnien. 23. Junii 1648. l.4. Decr. fol. 53. à tergo.*

2. ELIGIMUS, ET DEPUTAMUS. Cursores, & publici Nuncii regulater eliguntur, & deputantur à Judice; Si verò electio vigore statuti fieri contingat à Prioribus, & Magistratu loci, debet constare de deputatione, ut illis credatur, ad differentiam Nuncii, sive Bajuli à Judice electi, qui presumitur talis quoties constat de commissione citationis, vel quod sit in possessione officium exercendi, quamvis de deputatione non doceatur, ut per doctrinam Bart. in *Extravag. ad reprimandam n.5. tenet Tusch. litt. N. conclus. 154. n.1. & 2. & conclus. seq.* ubi enumerat causas, in quibus Nuncio credendum sit.

3. CUM ONERIBUS. Aliqui tenent, quod Nuncius, sive Bajulus antequam incipiat officium exercere, debeat juramentum praestare de fideliter exercendo, & stare Syndicativi: Alii verò

putant, quod possit validè officium exercere etiam juramento non praestito, quos refert Tusch. *dicta litt. N. conclus. 154. n.4. Nic. in flosc. verb. Barisellus n. 2. Ubert. de cit. tom. 3. c. 12. n. 361. in fin. & hoc ultimum frequentius in praxi servatur.*

4. PRIVILIGIIS. Nemo quod viderim negat, quod Nuncius, sive Curfor Curiæ Episcopalis non gaudeat privilegio Fori, cum sit officium necessarium pro regimine Tribunalis, Nicol. lucubr. *Can. lib. 5. tit. 39. n. 109. ampliat. 5. Sacr. Congr. Immunit. in Carbacen. 27. Januarii 1643. lib. 3. Decr. fol. 194. à tergo.*

5. OFFICIUM CURSORIS. Satellites non possunt, neque debent exercere officium Cursoris, sed citationes, & intimations per fidele, & publicum Bajulum ab Ordinario electum exequi, & intimari debent, sic respondit *Sac. Congr. Episc. in Civitatis Castelli 14. Aprilis 1615. ad quintum dubium.*

6. Officium Cursoris non inducere infamiae maculam, neque irregularitatem, quae indigeat dispensatione, si loquamus de eo, qui satellites in capturis non adjuvat, ut latè probat Sperell. *dec. 77. per tot.*

7. Nomina Curforum varia sunt secundum locorum denominationem, ut observat Zacc. *de solar. quæst. 79. n. 1. In Regno enim Neapolis non Cursores non Nuncii, non Bajuli, sed servientes nuncupantur.*

## TITULUS II.

## De erectione, unione, collatione, &amp; resignatione Beneficiorum.

Erectionis Beneficii cum reservacione jurispatronatus.

## FORMULA I.

## SUMMARIUM.

1. *Beneficium debet erigi decreto, & auctoritate Episcopi.*

2. *Prelatus inferior Episcopo, qui iura Episcopalia non habet, Beneficia non erigit.*

3. *Beneficium Ecclesiasticum erigi non potest, nisi ad Altare, dote constitutæ. Beneficium indotatum dicitur Beneficium de practica, ibid.*

4. *Beneficii dos debet constitui nominatim hoc nomine.*

5. *Be-*

- 5 Beneficii Fundator debet dotem constitue de propriis bonis, alias non posset illi reservari Jurispatronatus.
- 6 Cappellania manualis non potest erigi in Beneficium cum reservatione Jurispatronatus, neque de consensu beneficii.
- 7 Beneficii Fundator potest in limine fundationis conditiones sibi benè visas apponere, etiam juri communis contrarias, de licentia Episcopi.
- 8 Episcopus si nollet conditiones Fundatoris admittere, datur recursus ad Superiorum, qui supplet illius consensum.
- 9 Conditiones, & leges fundationis Beneficii, non possunt alterari, quamvis consensus Patroni interveniat.
- 10 Fallit regula, quando conditio de novo apponenda non est contra juris dispositionem; Nam Fundatore me instante, si Episcopus consentiat poterit supperaddi.
- 11 Institutio differ à collatione, & provisione.
- 12 Erectionis Beneficii substantia est, quod fiat in Ecclesia ad certum Altare sub invocatione alicujus Sancti, & assignentur bona nomine dotis.

## N. Episcopus N.

**A**T TENTA comparitione, & instantia coram Nobis facta per N. qui ob magnam devotionem, quam erga S. N. gessit, & gerit, dotare statuit illius Altare, & Cappellam ab eodem erectam in Ecclesia N. loci N. anno redditu, sine censu scutorum ... super bonis stabilibus videlicet, .... prout latius ex instrumento dotationis confecto manu Notarii publici N. sub die .... in nostra Cancellaria in forma authenticā exhibito appareat cum reservatione Jurispatronatus presentandi Rectorem, & Rectores, seu Cappellanos dictae Cappellae quoties vacare contigerit per ipsum comparentem, suosque hæredes. Nos propterea considerantes, quod in iis, quæ ad Divini Cultus augmentum tendunt, favorabiles esse debemus, dictam Cappellam, seu Altare sub invocacione S.N. in Ecclesia N. ordinaria auctoritate, & omni alio meliori modo, causa, & forma, nobis de jure permisso, in perpetuum Beneficium Ecclesiasticum erigimus, & erectum esse voluntus, & declaramus, & bona predicta propria dicti Oratoris pro dote, & loco datis illi sic erecto assignamus, appropriamus, & applicamus. Nec non praefato N. ejusque hæredibus Juspatronatus, & presentandi Rectorem, & Cappellanum, Rectores, & Cappella nos toties quoties easus vocationis occurrat, concedimus, & reservamus, instituendum tamen, & confirmandum, instituendos, & commandos per Nos, & Episcopos Successores, cum obligatione Rectoris intrâ legitima tempora presentandi, celebrandi, seu celebrare faciendi .... Missas in qualibet hebdomada pro salute Animæ .... & ita salvis juribus Episcopalibus erigimus, & reservamus omni, &c. In quorum fidem has presentes litteras, & erectionis Decretum à nobis subscriptum expediri, & in Cancellaria nostra una cum dicto instrumento dotationis registrari, & servari mandamus. Datum &c.

## N. Episcopus N.

## AD NOTATIONES.

1. **A**T TENTA COMPARITIONE. Ad hoc, ut Beneficium Ecclesiasticum dicatur erectum

inter alia requisita illud est præcipuum, ut prævia instantia sit fundatum auctoritate, & Decreto Episcopi, Clem. 2. de Decim. ubi Glos. in verb. si Beneficium in fin. Felin. in cap. ex parte il 2. num. 2. de rescript.

C 4

*rescript. Scipio de Rub. Aphorism. Episcop. verb. Beneficium num. 17. Rot. decis. 1. n. 24. coram Buratt. ubi Add. Si enim Episcopi assensus in erectione deficiat, non dicitur Beneficium, sed Cappellania manualis, & amovibilis, Barbos. de jur. Eccles. lib. 3. cap. 5. num. 5. Lotter. de re Benef. lib. 1. quæst. 31. num. 6. Rot. coram Manzan. decis. 283. num. 8. & coram Rembold. decis. 180. num. 5.*

2. Neque à Prælato inferiori, qui jura Episcopi non habet, erigi potest quantum vis exempto, & nullius, Glos. in Clem. 2. in fin. de Decim. Abb. cons. 59. num. 3. p. 2. Lotter. de re Benef. lib. 1. q. 5. n. 40. & 56. Vivian. de Jurepatr. lib. 1. c. 2. n. 38.

3. *DOTARE STATUIT ILLIUS ALTARE*. Hoc exprimitur in formula, quia nullum Beneficium Ecclesiasticum erigi potest, nisi ad Altare, & cum dote congrua, cap. Nemo de consecr. dist. 1. Lotter. de re Benef. lib. 1. quæst. 4. n. 55. Aliás si erigeretur, vel jam erectum remaneret sine doto, diceretur Beneficium de pertica, Rot. coram Durand. dec. 285. n. 25. & 57.

4. *PRO DOTE, ET LOCO DOTIS*. Debet Episcopus in erectione Beneficij advertere, quod constitutio dotis nuncupatim fiat hoc nomine, non autem nomine stipendi, vel salarii pro Rectore, seu Cappellano, quia ex perceptione annui redditus non infertur ad statuum Beneficii Ecclesiastici, ut advertit Lotter. de re Benef. lib. 1. quæst. 31. num. 60. Rot. coram Cerr. decis. 526. n. 5.

5. *PROPRIA DICTIORATORIS*. Hæc clausula, sive expressione datur intelligi, quod Episcopus nemini potest Juspatronatus reservare, nisi fundans conferat Beneficia erigendo dotem de propriis bonis liberis, juxta Rotæ sententiam coram Cels. decis. 239. num. 6. & cor. Cerr. decis. 526. num. 5. Si quis enim tamquam Administrator, Executor, vel Protector loci pii vellet ex illius redditibus, aut ex aliis piorum fidelium contributionibus, largitionibus, & eleemosynis annuis, Beneficium erigere, non posset Episcopus illi juspatronatus reservare, ex plenæ firmatis in decis. 383. & dec. 413. coram Peutinger.

6. *Ex quo infertur, quod, si hæres, vel*

*Successor in Capellania manuali non collativa ab aliquo Testatore relicta cum onere celebrationis Missarum vellet illam in Beneficium perpetuum collativum erigere cum reservatione Jurispatronatus, non posset Episcopus, neque cum consenseret talis hæredis hoc facere, quia nihil hæres consert de suo, nec valet mutare legem à Testatore præscriptum, Pac. Jord. lucubr. tom. 1. lib. 3. tit. 6. post n. 91.*

7. *JUS PRÆSENTANDI RECTOREM*. Non solum Fundator Beneficij potest sibi, & suis ius præsentandi Rectorem referre in erectione, sed etiam alias conditiones sibi bene visas dummodo non sint turpes, impossibiles, & contra naturam Jurispatronatus, etiam juri communi contrarias apponere, juxta communem DD. sententiam, Ricc. decis. cur. Archiep. Neapol. 29. per tot. par. 1. Ciarlin. contr. 53. num. 48. dummodo tamen in limine foundationis ab Episcopo fuerint concordatae, & admisæ, Lotter. de re Benef. lib. 1. quæst. 32. num. 3. Tondut. q. Benef. tom. 1. par. 1. cap. 5. num. 5. Add. ad Pamphil. decis. 54. n. 8. & seqq.:

8. Quatenus vero Episcopus nollet conditionibus hujusmodi per Testatorem, vel Fundatorem appositis in erectione consentire, neque illas Decreto admittere poterit tunc recurri ad Superiorem, ut eum cogat ad consentendum, & si contumax sit, ipse Superior suppleat, & consentiat, ut docet Lotter. d. quæst. 32. num. 17. Ricc. dicta decis. 29. num. 7. & 13. & decis. 240. n. 5. & 6. p. 3. ubi enumerat conditiones, quæ debent recipi, & quæ reiici.

9. Verum tamen est, quod conditiones, & leges fundationis postquam in limine erectionis Beneficij fuerint apposita, & ab Episcopo approbatae, non possunt amplius mutari, neque alterari, etiamsi consensus Patroni interveniat, Garz. de Benef. par. 11. cap. 5. num. 222. & 224. Fagnan. in cap. Conquerente num. 24. de Cler. non resd. Caren. resol. 142. num. 2. Vivian. de Jurepatr. lib. 2. cap. 8. n. 10. in fin.

10. Quod tamen distinctione modifica, videlicet; Si conditio, quæ de novo vult apponi post erectionem est contra ius, & tunc superaddi non potest, etiamsi Epi-

Episcopus consentiat; Aut conditio non est contrà juris dispositionem, & tunc ipsomet Fundatore instantे, poterit nova conditio superaddi etiam ex post, si Episcopus consentiat, ut notabiliter limitando regulam firmavit Rot. coram Seraph. decis. 1414. Vivian. de Jurepat. lib. 2. dict. cap. 8. d.num. 10.

11. INSTITUENDUM. Ad differentiam collationis, & provisionis. Nam collatio propriè dicitur quando Beneficium est liberum, & in mera Episcopi dispositione jure ordinario. Provisio autem quando Beneficium confertur de jure devoluto propter negligentiam inferioris, vel Patroni. Institutio verò tunc dicitur quando Beneficium confertur ad præsentationem alterius, ex notatis in Rubrica de insit. in sexto.

12. Hæc formula poterit servire in erectione aliorum simplicium Beneficiorum, in quibus Juspatronatus non reservatur, mutatis mutandis juxta facti, & rei gestæ expositionem, retenta substantia Decreti erectionis, quæ ad hoc reducitur nempè. Quod erexit fiat in Ecclesia ad certum Altare sub invocatione alicuius Sancti, & assignentur bona libera stabilia fructifera nomine dotis, Lotter. de re Benefic. lib. 1. qu. 4. num. 55.

## Erectionis Ecclesiæ Parochialis.

## F O R M U L A II.

## S U M M A R I U M .

- 1 Parocho est providendum de congrua etiam per collectam Parochianorum.
- 2 Parochiani cogendi sunt ad contribuendum pro congrua Parochi in subsidij.
- 3 In Parochiali Ecclesia Tabernaculum Sanctissimi Sacraementi debet retinéri in Altari Majori.
- 4 Parochi tenentur Dominicis, & Festis diebus Sacrificium Missæ pro populo applicare, etiam si congruam habent tenuem, & n. 5. & 6.
- 5 Parochus Parochianos conjungere debet in Matrimonio in Ecclesia.
- 6 Parochus, qui contra prohibitionem Episcopi Matrimonia celebrat extra Ecclesiam, peccat mortaliter. Episcopus non potest cogere subditum ad observantiam præcepti injusti, ib.
- 7 Concursus non est adhibendus in provisione Parochie de novo erectæ, sed pro prima vice liberè confert Episcopus, approbatione facta Provisori Examinatorib. Synodalibus.

## N. Episcopus N.

CUM in visitatione nuper per nos facta invenerimus in loco N. non adesse Ecclesiam Parochiale, in qua Christi fideles ibidem commorantes Sacramenta recipere, & monita salutis audire possint, sed promiscuè per simplices Presbyteros non certos, nec per proprium Parochium cum Animarum discrimine, & periculo audiverimus. Propterea Gregis Nobis commissi soluti consulere, & malis, quæ ex Pastoris deficientia occurrere in dies solent, providere volentes, attenta præsertim hominum dieti loci humili instantia, & supplicatione pro erectione Parochialis, ac obligatione per eosdem in Aëris nostræ Curiae solemniter facta (cum nec per subtractionem reddituum Matricis, nec per unionem Beneficiorum de dote providere non valuerimus) solvendi certam pecuniarum summam, & tradendi certam frumenti, & vini quantitatem pro unaquaque familia Parocho pro tempore eligendo, ut commodè sustentari possit, donec de congrua aliunde provideatur; Invocato D. N. Jesu Christi nomine, ejusque Matris fœper Virginis Mariæ, Ecclesiam loci N. sub invocatione Sancti N. huius nostræ Diœcesis, nostra auctoritate ordinaria, & omni &c. tenore presentium in Parochiale ergimus, & erectā volumus, & declaramus, in eaq; postquam de decenti Tabernaculo, & aliis necessariis ad custodienda Sacramenta provisum fuerit.